

ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

ք. Երևան

02.04.2024թ.

«ՀԱՅԱՍՏԱՆԻ ԱՌԻԴԻՏՈՐՆԵՐԻ ԵՎ ՓՈՐՉԱԳԵՏ ՀԱՇՎԱՊԱՀՆԵՐԻ ՊԱԼԱՏ» Հասարակական Կազմակերպությունը (այսուհետ՝ Պալատ), ի դեմս գործադիր տնօրեն Հայկ Մնացականյանի, ով գործում է կանոնադրության հիման վրա, մի կողմից և «ԲԻ-ԴԻ-Օ ԱՐՄԵՆԻԱ» Փակ բաժնետիրական ընկերությունը (այսուհետ՝ Կազմակերպություն), ի դեմս տնօրեն Վահագն Սահակյանի, ով գործում է կանոնադրության հիման վրա, մյուս կողմից, (այսուհետ, համատեղ հիշատակվելուց, Կողմեր), կարևորելով գործընկերության և համագործակցության դերը Պալատի անդամների շարունակական մասնագիտական զարգացման գործընթացում՝ կնքեցին սույն հուշագիրը հետևյալի մասին:

1. Հուշագրի առարկան

1.1 Պալատը՝ հանդիսանալով աուդիտի և հաշվապահության ոլորտում պետության կողմից պատվիրակված գործառույթներ իրականացնող մասնագիտական կառույց, և Կազմակերպությունը՝ հանդիսանալով այդ ոլորտում մասնագիտական ծառայություններ մատուցող Պալատի անդամ ընկերություն, սույն հուշագրով համաձայնում և պայմանավորվում են հետևյալի շուրջ.

1.1.1 Կազմակերպությունը, ի աջակցություն Պալատի կողմից իրականացվող շարունակական մասնագիտական զարգացման դասընթացների կազմակերպման գործընթացին՝ իր մասնագետների միջոցով անվճար հիմունքով իրականացնում է մասնագիտական դասընթացներ, քննարկումներ և այլ միջոցառումներ՝ Պալատի հետ համաձայնեցված թեմաներով:

1.1.2 2024թ ընթացքում նախատեսվող միջոցառումները ներառում են հետևյալ թեմաները.

h/h	ԹԵՄԱ	Վարող	Պաշտոն	Տևողություն
1	Տնտեսական (ներառյալ հարակից) օրենսդրության հիշարժան նորությունները մասնագիտական ներկայացմամբ	Ահարոն Զիլինգարյան Նարինե Նուրոյան	Գործընկեր, Հարկային և իրավաբանական ծառայությունների բաժնի ղեկավար Հարկային և հարակից ծառայությունների ղիբեկտոր	2 ժամ
2	Քաղաքացիական օրենսդրություն. իրավական և հարկային-հաշվապահական հարցեր՝	Նաիրա Պետրոսյան	Գործընկեր, Իրավաբանական ծառայություններ	2 ժամ

	երկու բարդ գործարքների օրինակով (գործակալություն և ցեսիա)	Նարինե Նուրոյան	Հարկային և հարակից ծառայությունների դիրեկտոր	
3	Ֆիզիկական անձանց տարեկան եկամուտների հայտարարագրման մեխանիզմներ, օտարերկրացիների առանձնահատկություններ, ներառյալ իրավական միգրացիոն հարցեր	Հասմիկ Կարապետյան Անահիտ Սարգսյան	Հաշվապահ/Աշխատավարձային ծառայության խմբի ղեկավար Ավագ իրավաբան-խորհրդատու	2 ժամ
4	ԱՕ խնդրահարույց հարցեր	Նաիրա Պետրոսյան Արմենուհի Գառգալոյան	Գործընկեր, Իրավաբանական ծառայություններ Իրավաբանական ծառայությունների մենեջեր	2 ժամ
5	ՀԱՄՍ 3000 ՀՇՄՍ 4410 ՀՇՄՍ 4400	Դավիթ Եղիզարյան	Գործընկեր, Աուդիտ	2 ժամ
6	ՖՀՄՍ 16	Սերգեյ Յակովլև	Գործընկեր, Աուդիտ	2 ժամ
7	Ռեզիդենտ և ոչ ռեզիդենտ Ընկերությունների հարկային առանձնահատկությունները	Սամվել Դանիելյան	Գործընկեր, Հաշվապահական ծառայությունների ղեկավար	2 ժամ
8	SS ռիսկերի կառավարում	Աստղիկ Գրիգորյան	Ավագ խորհրդատու	2 ժամ

Յուրաքանչյուր միջոցառման իրականացման ժամկետները լրացուցիչ կհամաձայնեցվեն Կողմերի միջև:

- 1.1.3 Միջոցառումների կազմակերպումն իրակացվում է Պալատի կողմից (իրազեկում, հաշվառում, լսարան և այլն), իսկ պատասխանատուն և վարողը հանդիսասանում է «ԲԻ-ԴԻ-Օ ԱՐՄԵՆԻԱ» ընկերությունը (կամ նրա դուստր ընկերությունները՝ «ԲԻ-ԴԻ-Օ Ըբաունթինք, Թաքս ընդ Լիզբլ» ՓԲԸ և «ԲԻ-ԴԻ-Օ Ըղվայգորի» ՓԲԸ):
- 1.1.4 Յուրաքանչյուր միջոցառմանը Կազմակերպության կողմից անվճար հիմունքով մասնակցում են 2-3 աշխատակից՝ Կազմակերպության ներկայացմամբ:
- 1.1.5 Հետագա տարիների համար 1.1.2 կետում նշված թեմաները կթարմացվեն՝ մինչև նախորդ տարվա դեկտեմբերի 31-ը:
- 1.1.6 Անհրաժեշտության դեպքում Կազմակերպությունն աջակցում է Պալատի որակավորման ծրագրում ներառված բարձր առաջադիմությամբ

մասնակիցների պրակտիկայի կազմակերպմանը և աշխատանքի տեղավորմանը:

1.1.7 Կազմակերպությունն, ըստ անհրաժեշտության, գործուղում է համապատասխան մասնագետների Պալատի կողմից կազմակերպվող մասնագիտական քննարկումներին:

1.1.8 Կազմակերպությունն աջակցում է Պալատի կողմից իր անդամների և որակավորման ծրագրի մասնակիցների համար մասնագիտական ոլորտում կայացած մասնագետների հետ հանդիպումների կազմակերպմանը՝ վերջիններիս գիտելիքների և անձնական փորձի ներկայացման նպատակով:

1.2 Կողմերը նպատակահարմար են գտնում մշտապես քննարկել և մշակել նաև համագործակցության առավել արդյունավետ այլ ձևաչափեր:

2. Հուշագրի գործողության ժամկետը

2.1 Հուշագիրն ուժի մեջ է մտնում ստորագրման օրվանից և գործում է անժամկետ:

3. Այլ պայմաններ

3.1 Հուշագիրը կազմված և ստորագրված է երկու օրինակներից, որոնք ունեն հավասար իրավաբանական ուժ: Օրինակներից մեկը պահվում է Պալատի, իսկ մյուսը՝ Կազմակերպության մոտ:

4. Կողմերի հասցեները և ստորագրությունները

«Պալատ»

"Հայաստանի աուդիտորների և փորձագետ հաշվապահների պալատ" ՀԿ

Ք. Երևան 0051, Կոմիտասի պողոտա 49/3
շենք

ՀՎՀՀ 02537979

Հեռ.՝ +37410237102

E-mail: info@caaa.am

«Կազմակերպություն»

«Բի-Դի-Օ Արմենիա» ՓԲԸ


Ք. Երևան, Դ. Անհաղթի փ. 23/6 շ.

ՀՎՀՀ՝ 01569792

Հեռ.՝ +37460528899

E-mail: bdo@bdoarmenia.am

Գործադիր տնօրեն՝ Հայկ Մնացականյան



Տնօրեն՝ Վահագն Սարգսյան

